



Inatsisartunut ilaasortaq
Ruth Heilmann, Siumut

§ 37 tunngavigalugu atuarfinni nerisitsisarneq pillugu apeqqummut nr. 2011-95- imut akissummut naqqiut

Asasara Ruth

Atuarfimmi nerisaqartitsineq pillugu § 37 naapertorlugu apeqquteqaativit akinerani kukkunikkut allanneqarsimavoq aningaasaliissutit pingajorarterutaat kisimik atorneqarsimasut. Kisitsit eqqortoq tassaavoq **aningaasaliissutigeqqaarneqartut 6.1 mio.-sut** affaasa missaat atorneqarsimasut. Kukkuneq ajuusaarutigaa.

Aajuna akissut naqqinneqarsimasoq.

Inatsisartut sulinissaannut maleruagassiami § 37 naapertorlugu Naalakkersuisunut makkuninnga apeqquteqarsimavutit.

1. Atuartut atuarfimmi nerisaqartinneqarnerat ullumimut qanoq angusaqarfiusimava?

Akissut: Angusarineqartut assigiinngisitaartorujussuupput. Kommunit ilaanni aqqissuussineq atorneqanngillunnarpoq. Taamaattumik aningaasaliissutaaqqaartut affaannaat 2010-mi atorneqarput. Immikkut taamanikkut Tasillaq Kommuniusimasoq aqqissuussinermut naammagisimaarinnilluni nalunaarsimavoq. Atuarfimmi nerisitsisarsimapput ukiut 40-t sinnerlugit tapiiffigineqarsinnaanermullu periarfissaq atuarfimmi nerisitsisarnerninnut tapiutitut pitsaasutut isigaat. Naalakkersuisut aqqissuussinermik nalilersuisimanngillat taamaattumik angusarineqarsimasut aalajangersimasumik oqaaseqarfigiuminaapput.

2. Inatsisartut aningaasanut inatsisaanni nerisaqartitsinermut tapiissutit konto 40.10.15 kommuninit qinnutigineqarsinnaapput, ullumimut qanoq annertutigisumik atorneqarsimappat?

Akissut: Siuliani taaneqareersutut 2010-mi aningaasaliissutaasut affaannai atorneqarsimapput. Taamaattumik atuarfinni nerisitsisarneq siunertarisamisut atorneqanngilaq. Taamaattumik Naalakkersuisoqarfiup KANUKOKA atassuteqarfigilersimavaa kattuffiullu neriorsuutigisimavaa siunnersuuteqarumalluni atuarfinni nerisitsisarnernup pilerigineqarnerulernissaa eqaannerusumillu kommuninit atorneqarsinnaanera pillugit. Naatsorsuutigineqarpoq KANUKOKA-p siunnersuutigiumaarsinnaasai 2012-imut aningaasanut inatsisissat oqaaseqaatitaanut ilanngunneqarsinnaajumaartut. Atuarfimmi nerisitsisarnermut aningaasaliissutinut kingusinnerpaamik 1. maj qinnuteqartoqarsinnaavoq Naalakkersuisoqarfillu manna

06. maj 2011
Sagsnr. 2011-044291
Dok. Nr. 619723

Postboks 1029
3900 Nuuk
Tlf: +299 34 50 00
Fax: +299 32 20 73
Email: kiin@nanoq.gl
www.nanoq.gl

tikillugu taamaallaat illoqarfimmiit ataatsimiit taassumalu nunaqarfittaaniit qinnuteqaammik tigusaqarsimavoq.

3. Nunaqarfinni atuartut nerisaqarnermi aaqqissuussinnermut aningaasaliissutaasunik atuinersut nassuiaatigineqarsinnaava?

Akissut: Tasiilap nunaqarfiini tamani aaqqissuussineq atorneqarpoq aammattaaq kujataani nunaqarfiit arlallit aaqqissuussinnermik atuisimapput aammalu Sisimiut Nuullu nunaqarfiini aaqqissuussinnermik atuisoqarsimavoq. Taamaakkaluartoq Naalackersuisut nalilerpaat aaqqissuussineq nunaqarfinni atorneqarnerusinnaanerigaluaminiit atorneqannginnerusoq.

4. Kommunit sorliit kommunerujussuilluunniit atuinissaminnut qanoq soqutigisaqarnerat annertutigaa?

Akissut: Ingammik kommunitut Kommuneqarfik Sermersooq aamma Qeqqata Kommunian aaqqissuussinnermik atuisimapput.

5. Atuartut, angajoqqaat, ilinniartitsisut imaluunniit atuarfimmi siulersuisut nerisitsisarnernut oqartussaaqataatinneqartarnerat qanoq annertutigisumik ingerlanneqarpa?

Akissut: Naalackersuisut ilisimanngilaat qanoq annertutigisumik qanorlu iliornikkut atuartut, ilinniartitsisut, angajoqqaat atuariuullu siulersuisui atuarfinni nerisarneq pillugu kommuninut aalajangeeqataatinneqartarnerat.

6. Takussutissiisumik misissorneqarsimanerluni nerisaqartitsineq atuarfeqarfinni assigiinngitsuni qanoq ingerlanneqarnerusoq?

Akissut: Qinnuteqaammut atatillugu paasissutissiinerup avataatigut manna tikillugu aaqqissuussinnermut iluarsartuussamik naliliisoqarsimanngilaq.

7. Naalackersuisut isumaqarpat nerisitsisarnermut neqerooruteqartalerneq iluatsilluarsimasoq?

Akissut: Qinnuteqaateqartartut nalilersuutigissagaanni Naalackersuisut isumaqanngillat aaqqissuussineq iluatsilluarsimasoq. Taamaakkaluartoq inerniliisoqartinnagu pisariaqarpoq erseqqinnerusunik aaqqissuussineq pillugu nalilersuissalluni inerniliisoqartinnagu aqqissuussinerup atuartut atuarnerannut toqqissisimanerannullu iluqutaasimasinnaanerani.

8. Atuartut namminneq nerisitsisarnermut isumaat maannamut misissuiffigineqarsimava?

Akissut: Naalackersuisut nalunngisaqanngillat atuartut qanoq annertutigisumik qanorlu iliornikkut sumiiffinni atuarfinni nerisitsisarnermut nalileeqaataasarsimanersut.

Inussiarnersumik inuulluaqqusilluta

Palle Christiansen